



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02 -11-4-8155-12/22

Datum: 06.02.2023.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), i preporuke Komisije za sukcesivnu nabavku rezervnih dijelova za motorna vozila za potrebe Uprave policije, imenovane Rješenjem broj: 02/5-1-30-1-7938 od 08.11.2022. godine, u ponovnom postupku javne nabavke rezervnih dijelova za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivnu nabavku rezervnih dijelova za motorna vozila za potrebe Uprave policije i okvirni sporazum za javnu nabavku rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo dodjeljuje ponuđačima:

- Autoelektra d.o.o. Sarajevo i to za:
 - ✓ LOT 1 – nabavka rezervnih dijelova za motorna vozila marke VW u iznosu od 822.448,00 KM bez PDV-a.
- Total Trade d.o.o. Doboj i to za:
 - ✓ LOT 6 - nabavka rezervnih dijelova za motorna vozila marke Renault u iznosu od 10.485,00 KM bez PDV-a.
- Kare d.o.o. Sarajevo i to za:
 - ✓ LOT 7 - nabavka rezervnih dijelova za motorna vozila marke Fiat u iznosu od 6.980,00 KM bez PDV-a
 - ✓ LOT 9 - nabavka rezervnih dijelova za motorna vozila marke Peugeot u iznosu od 7.670,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

izabranim ponuđačima Autoelektra d.o.o. Sarajevo za LOT 1, Total Trade d.o.o. Doboj za Lot 6 i Kare d.o.o. Sarajevo za Lot 7 i Lot 9 po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

IV

Izabrani ponuđač za LOT 6 – Total Trade d.o.o. Doboj dužan je da u roku od 5 (pet) dana od dana prijema ove odluke dostavi dokaze navedene u tačkama 12. i 13.2. tenderske dokumentacije, a koje se odnose na član 45. stav (2) tačka od a) do d) i na član 47. stav (1) tačka a).

Izabrani ponuđač za LOT 7 i LOT 9 – Kare d.o.o. Sarajevo dužan je da u roku od 5 (pet) dana od dana prijema ove odluke dostavi dokaze navedene u tačkama 12. tenderske dokumentacije, a koje se odnose na član 45. stav (2) tačka od a) do d).

Dokazi koje će dostaviti odabrani ponuđači moraju biti originali ili ovjerene kopije i ne mogu biti stariji od 3 mjeseca (za član 45. stav 2. tačka od a) do d)), računajući od momenta predaje ponude.

Izabrani ponuđač za LOT 7 i LOT 9 – Kare d.o.o. Sarajevo je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav (1) tačka a), čime se oslobađa obaveze naknadnog dostavljanja istih.

Izabrani ponuđač za LOT 1 – Autoelektra d.o.o. Sarajevo je u svojoj ponudi dostavio tražene dokaze navedene u tački 12. i 13.2. tenderske dokumentacije, a koje se odnose na član 45. stav (2) tačka od a) do d) i na član 47. stav (1) tačka a), čime se oslobađa obaveze naknadnog dostavljanja istih.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-8155/22 od 16.11.2022. godine i Obavještenja o nabavci broj: 16475-1-1-58-3-105/22 od 18.11.2022. godine, proveden je otvoreni postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-8155/22 od 28.12.2022. godine, za aktivno učešće u postupku dostavljene su ponude ponuđača za:

- LOT 1 - Autoelektra d.o.o. Sarajevo i Mirado d.o.o. Tuzla
- LOT 6 – Total Trade d.o.o. Doboj, Kare d.o.o. Sarajevo i Mirado d.o.o. Tuzla
- LOT 7 – Total Trade d.o.o. Doboj, Kare d.o.o. Sarajevo i Mirado d.o.o. Tuzla
- LOT 9 - Total Trade d.o.o. Doboj i Kare d.o.o. Sarajevo.

Komisija za sukcesivnu nabavku rezervnih dijelova za motorna vozila za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-8155-6/22 od 18.01.2023. godine, kojim je utvrdila da ponude ponuđača Autoelektra d.o.o. Sarajevo za LOT 1, Kare d.o.o. Sarajevo za Lot 6, Lot 7 i Lot 9, Mirado d.o.o. Tuzla za Lot 1, Lot 6 i Lot 7 i Total Trade d.o.o. Doboj za Lot 6, Lot 7 i Lot 9 sadrže sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Autoelektra d.o.o. Sarajevo za LOT 1, nakon ispravljanja računске greške, treba da iznosi 822.448,00 KM umjesto pogrešno upisanih 816.948,00 (razlika 5.500,00 KM);

- Ukupni iznos u ponudi ponuđača Mirado d.o.o. Tuzla za LOT 1, nakon ispravljanja računске greške, treba da iznosi 2.151.734,80 KM umjesto pogrešno upisanih 2.150.167,00 (razlika 1.567,80 KM);
 - Ukupni iznos u ponudi ponuđača Mirado d.o.o. Tuzla za LOT 6, nakon ispravljanja računске greške, treba da iznosi 29.698,70 KM umjesto pogrešno upisanih 29.949,50 (razlika 250,80 KM).
- Na upućene zahtjeve ponuđači su u ostavljenom im roku dali svoju saglasnost za ispravku računskih grešaka

Uvidom u ponude ponuđača Autoelektra d.o.o. Sarajevo za Lot 1, ponuđača Kare d.o.o. Sarajevo za Lot 7 i Lot 9, ponuđača Total Trade d.o.o. Doboj za Lot 7 i Lot 9 i ponuđača Mirado d.o.o. Tuzla za Lot 1, Lot 6 i Lot 7 Komisija je utvrdila da su ponuđene ukupne cijene znatno/neznatno veće od osiguranih sredstava za predmetnu nabavku. U članu 1. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) data je definicija e-Aukcije, koja glasi: „E-Aukcija je način provođenja dijela postupka javne nabavke, koji uključuje podnošenje novih cijena, izmjenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacijskom sistemu e-Nabavke.“

S obzirom na navedeno, sa aspekta transparentnosti i podstičući aktivnu konkurenciju, svrsishodno i efikasno je dopustiti učestvovanje u e-Aukciji i ponuđačima čije ponude premašuju iznos procjenjene vrijednosti nabavke, jer će ponuđači zasigurno snižavati svoju cijenu i na taj način u krajnjoj liniji učiniti svoje ponude prihvatljivim u pogledu cijene.

Budući da se u postupcima nabavki u kojima se provodi e-Aukcija ponude rangiraju nakon e-Aukcije, tako se i odluka o izboru/poništenju postupka nabavke donosi nakon e-Aukcije. Shodno mišljenju AJN BiH broj: 02-02-1-2451-2/22 od 01.11.2022. godine, u kom stoji: „U cilju osiguranja principa zakonitosti i zaštite prava i interesa učesnika postupka javne nabavke ugovorni organ primjenjuje propis koji važi u momentu objave obavještenja o nabavci ili upućivanja zahtjeva za učešće kandidatima za postupke koji nemaju obavještenje o nabavci. Shodno tome, za postupak javne nabavke koji je pokrenut objavom obavještenja o nabavci ili upućivanjem zahtjeva za učešće prije 10.12.2022. godine ugovorni organ primjenjuje odredbe propisa koji je važio u momentu objave obavještenja o nabavci ili upućivanja zahtjeva za učešće.“, Komisija je, za lotove gdje je pristiglo više ponuda, ponude preko procjenjene vrijednosti nabavke za pripadajući lot ocjenila kao prihvatljive, te zakazala e-aukciju.

Nakon ovoga stekli su se uslovi za zakazivanje e-Aukcije.

E-aukcija je zakazana za dan 23.01.2023. godine sa početkom u:

- 10.00 sati za Lot 1;
- 12.00 sati za Lot 6;
- 12.40 sati za Lot 7;
- 13.20 sati za Lot 9.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-Aukcije Ugovorni organ je dobio Izveštaj Agencije za javne nabavke BiH o uspješno završenoj e-Aukciji i najpovoljnijem ponuđaču nakon završetka e-Aukcije. U toku e-Aukcije nije došlo do smanjivanja cijena i podnošenja novih ponuda za Lot 1.

Nakon završetka e-aukcije, Komisija je konstatovala da je:

- ponuđena cijena od 822.448,00 KM bez PDV-a veća od procjenjene vrijednosti nabavke za LOT 1;

- ponuđena cijena od 6.980,00 KM bez PDV-a veća od procjenjene vrijednosti nabavke za LOT 7;
- ponuđena cijena od 7.670,00 KM bez PDV-a veća od procjenjene vrijednosti nabavke za LOT 9.

Međutim, kako je za Lot 1 ponuđena cijena neznatno veća od procjenjene vrijednosti nabavke za Lot 1, te kako se za Lot 7 i Lot 9 radi o malim vrijednostima, koje neznatno utiču na ukupnu vrijednost nabavke, a riječ je o sukcesivnim isporukama, okvirni sporazum će biti zaključen na period od 2 godine u okviru kojeg će se zaključivati pojedinačni ugovori, nabavljane količine predmeta nabavke će biti usklađene sa Budžetskim sredstvima.

Komisija je, takođe, konstatovala:

- krajnja ukupna cijena ponude ponuđača Autoelektra d.o.o. Sarajevo za Lot 1, koja je nakon provedene e-aukcije iznosila 822.448,00 KM bez PDV-a, neprirodno niska, više od 20% od cijene drugorangirane prihvatljive ponude,

- krajnja ukupna cijena ponude ponuđača Kare d.o.o. Sarajevo za Lot 6, koja je nakon provedene e-aukcije iznosila 10.000,00 KM bez PDV-a, neprirodno niska, više od 50% od prosječne cijene preostalih prihvatljivih ponuda.

Ugovorni organ je uputio zahtjev broj: 02/6-11-4-8155-7/22 od 24.01.2023. godine i broj: 02/6-11-4-8155-8/22 od 24.01.2023. godine, navedenim ponuđačima, za obrazloženje iste. Ponuđač Autoelektra d.o.o. Sarajevo u svom Obrazloženju bb od 25.01.2023. godine navodi dokaze koji opravdavaju iznos ponuđene cijene.

Ponuđač Kare d.o.o. Sarajevo u ostavljenom krajnjem roku, nije dostavio svoj odgovor/obrazloženje, te se ponuda navedenog ponuđača za Lot 6 odbija, u skladu sa članom 66. stav (1) Zakona o javnim nabavkama BiH („Službeni glasnik BiH“ broj: 39/14 i 59/22).

Kako se u skladu sa članom 66. stav (1) Zakona ovakva ponuda odbacuje, u nastavku postupka zahtjev za obrazloženje neprirodno niske cijene broj: 02/6-11-4-8155-9/22 od 30.01.2023. godine upućen je drugorangiranom ponuđaču Total Trade d.o.o. Doboj za Lot 6, jer je krajnja ukupna cijena ponude ponuđača Total Trade d.o.o. Doboj za Lot 6, koja je nakon provedene e-aukcije iznosila 10.485,00 KM bez PDV-a, neprirodno niska, više od 20% od cijene drugorangirane prihvatljive ponude.

Ponuđač u svom Obrazloženju bb od 02.02.2023. godine navodi dokaze koji opravdavaju iznos ponuđene cijene.

Dakle, ponuda ponuđača Kare d.o.o. Sarajevo za Lot 6 je formalno-pravno ispravna, ali se ista odbacuje u skladu sa članom 66. stav (1) i 68. stav (4) tačka j).

Nakon čega je Komisija sačinila konačan Zapisnik o pregledu i ocjeni ponuda broj: 02-11-4-8155-11/22 od 03.02.2023. godine sa preporukom o donošenju odluke o dodjeli okvirnog sporazuma.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Zapisnikom o pregledu i ocjeni ponuda Ugovorni organ je prihvatio ponudu ponuđača:

- Autoelektra d.o.o. Sarajevo, i to za:
 - ✓ LOT 1 – nabavka rezervih dijelova za motorna vozila marke VW za ponuđenu cijenu od 822.448,00 KM bez PDV-a
- Kare d.o.o. Sarajevo, i to za:
 - ✓ LOT 7 – nabavka rezervih dijelova za motorna vozila marke Fiat za ponuđenu cijenu od 6.980,00 KM bez PDV-a
 - ✓ LOT 9 – nabavka rezervih dijelova za motorna vozila marke Peugeot za ponuđenu cijenu od 7.670,00 KM bez PDV-a
- Total Trade d.o.o. Doboj, i to za:
 - ✓ LOT 6 - nabavka rezervih dijelova za motorna vozila marke Renault za ponuđenu cijenu od 10.485,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivnu nabavku rezervnih dijelova za motorna vozila
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a